



Broj: 13-11-4-1101/26
Sarajevo, 3e.03.2026. godine

Na osnovu člana 70. stav (4) Zakona o javnim nabavkama ("Službeni glasnik Bosne i Hercegovine" broj 39/14, 59/22, 50/24), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka), a na prijedlog Komisije za javnu nabavku roba, radova i usluga, Općinska načelnica d o n o s i

ODLUKU o poništenju postupka javne nabavke

I

Poništava se postupak javne nabavke „Pružanje usluga razglaša, rasvjete i ozvučenja na manifestacijama Općine Novo Sarajevo“.

II

Za izvršenje ove Odluke zadužuje se Služba za zajedničke poslove.

III

Odluka o poništenju postupka javne nabavke objavit će se na web stranici www.novosarajevo.ba, u skladu sa članom 70. stav (6) i članom 71. Zakona o javnim nabavkama Bosne i Hercegovine.

Obrazloženje

Postupak javne nabavke proveden je putem otvorenog postupka, a pokrenut je na osnovu Odluke Općinske načelnice broj: 13-11-4-1101/26 od 05.02.2026. godine.

Procijenjena vrijednost javne nabavke sa PDV-om je: 21.000,00 KM (slovima: dvadesetjednahiljada i 00/100 konvertibilnih maraka).

Obavještenje o javnoj nabavci broj: 935-1-2-16-3-104/26 objavljeno je na Portalu javnih nabavki dana 20.02.2026. godine.

Komisija za javnu nabavku roba, radova i usluga je imenovana Rješenjem Općinske načelnice broj: 01-30-5-5935/25 od 09.07.2025. godine.

U predmetnom postupku utvrđeno je da je Komisija za javne nabavke roba, radova i usluga blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnike, u kojima je utvrđeno sljedeće:

Iz Zapisnika sa otvaranja ponuda vidljivo je da je do dana 12.03.2026. godine, pristigla ponuda sljedećeg ponuđača:

Red. Br.	Naziv i sjedište ponuđača	Ukupna ponuđena cijena sa PDV-om
1.	AGENCIJA APPLAUSE, vl. Muzaferija Amina, Visoko	20.989,80 KM

Nakon izvršenog otvaranja ponuda, Komisija za javne nabavke roba, radova i usluga je pristupila analizi dokumentacije pristiglih ponuda u smislu provjere njene validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponude u skladu sa pravilima i

procedurama utvrđenim tenderskom dokumentacijom, Zakonom i podzakonskim aktima, te je konstatovala sljedeće:

Ponudu ponuđača AGENCIJA APPLAUSE, vl. Muzaferija Amina, Visoko je ocijenila kao **neprihvaljivu** iz sljedećeg razloga:

Tenderskom dokumentacijom u tački 7.4.1. propisano je da ponuđači moraju ispunjavati sljedeće uslove po pitanju tehničke i profesionalne sposobnosti: „*a) uspješno iskustvo u realizaciji najmanje 2 (dva) ugovora koji je predmet nabavke – pružanje usluga razglasa ili ozvučenja, u posljednje 3 (tri) godine, računajući od dana objave Obvještenja o predmetnoj javnoj nabavci ili od datuma registracije odnosno početka poslovanja, ako je ponuđač registrovan, odnosno počeo sa radom prije manje od 3 (tri) godine.*“

U cilju ispunjenja uslova po pitanju tehničke i profesionalne sposobnosti ponuđači su bili dužni dostaviti 2 (dvije) potvrde o uspješnoj realizaciji ugovora, a koje se odnose na predmet nabavke – pružanje usluga razglasa ili ozvučenja, uz sljedeću napomenu: „*U potvrdama mora biti jasno iskazano da su uspješno realizovani ugovori koji se odnose na predmet nabavke – pružanje usluga razglasa ili ozvučenja, u posljednje 3 (tri) godina, računajući od dana objave Obvještenja o predmetnoj javnoj nabavci ili od datuma registracije odnosno početka poslovanja, ako je ponuđač registrovan, odnosno počeo sa radom prije manje od 3 (tri) godine, u protivnom ugovorni organ potvrde neće prihvatiti i ponuda će se odbaciti kao nepotpuna. Potvrda o izvršenom ugovoru obavezno treba da sadrži: naziv i sjedište ugovornih strana, predmet ugovora, vrijednost ugovora, vrijeme i mjesto izvršenja ugovora, te navode o uredno izvršenim ugovorima.*“

Ponuđač AGENCIJA APPLAUSE, vl. Muzaferija Amina, Visoko je dostavio 2 potvrde o uspješnoj realizaciji ugovora, od kojih se jedna odnosila na ugovor o nabavci usluge najma bine za održavanje manifestacije „Visočko ljeto“, a ista je izdata dana 10.03.2026. godine, od strane JU „CENTAR ZA KULTURU, SPORT I INFORMISANJE“ Visoko.

Iz navedene potvrde nije vidljivo da je ista odnosila na predmet nabavke, a koji je pružanje usluga razglasa ili ozvučenja.

Također navedena potvrda ne sadrži vrijednost ugovora, kao podatak propisan članom 48. stav (3) tačka c) Zakona o javnim nabavkama BiH.

Iz naprijed navedenih razloga, ponuda ponuđača AGENCIJA APPLAUSE, vl. Muzaferija Amina, Visoko se nije mogla uzeti u dalje razmatranje.

Komisija za javne nabavke roba, radova i usluga je jednoglasno predložila Općinskoj načelnici da u skladu sa odredbama člana člana 69. stav (2) tačka d) Zakona o javnim nabavkama donese Odluku o poništenju postupka javne nabavke, jer nijedna od primljenih ponuda nije prihvatljiva.

Općinska načelnica je saglasna sa prijedlogom Komisije za javne nabavke roba, radova i usluga koja je u postupku ocjene provedenog postupka postupila u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 69. stav (2) tačka d) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje 3 (tri) primjerka. Naknada za pokretanje žalbenog postupka plaća se u korist budžeta institucija Bosne i Hercegovine i međunarodnih obaveza Bosne i Hercegovine, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba
Identifikacioni broj: 4200558710008 PDV broj: 200558710008 Porezni broj: 0170333000
Depozitni račun 1411965320011288 Bosna Bank International d.d.



i povrata naknada propisanih članom 108. Zakona o javnim nabavkama BiH ("Službeni glasnik BiH" broj: 61/24).



OPĆINSKA NAČELNICA

Prof. dr. Benjamina Karić

DOSTAVLJENO:

- AGENCIJA APPLAUSE, vl. Muzaferija Amina, Visoko

*Općina Novo Sarajevo, ulica Zmaja od Bosne br. 55, centrala telefon (387 33) 492 100
Služba za zajedničke poslove*

*tel: (387 33) 492 112, fax: (387 33) 492 145, email: zajednickiposlovi@novosarajevo.ba
Identifikacioni broj: 4200558710008 PDV broj: 200558710008 Porezni broj: 0170333000
Depozitni račun 1411965320011288 Bosna Bank International d.d.*



